

و امرهم شوری بنهم

مقاله

اعلاى دين

تخليص وطن

۱۸ نومرو ۲۴ ذوالقعدة ۱۳۱۴

شورای امت

۲۶ نيسان افرنكى ۱۸۹۷ - ۱

آبونه بدلى: هريراىچون سهله كى برانكيز ليراسيدر . بازارايرتسى كونلرى شراونلور

آدره سمز:

داخلده بولنان ارباب غيرت وحيه نشرو تعميمى تعهدايتديكى
حالة مجاناآده كوندريلور .

نه ممكن ظلم ايله بيداد ايله احساى حریت
جالش ادراكى قالدير مقتدره ك آدميتدن

قانون اساسى - صندوق البوسته نمرة ۳۳۰

مصر القاهرة CANOUN - I - ESSASSI

BOITE SPÉCIALE

N. 330

CAIRE, (Egypte).

وسائط مخصوصه ايله ايتسينلر ايجاب ايدنه جك فضا

كالم

نسخه سى ۲ غروشد

اجرى كوندريلور .

افكار عموميه منيه نى تنوير ايله وطن مقدسمز لك تخليصنى شريعت وحيث نامنه طلب ايدن جريده مزك تعميمى هر مسلم و عثمانلى ايچون برفريضة در

استانبول دن :

جناب حق تأثیرینی قریب ایلون . غزته کزک عید سعید فطری متعاقب وارد اولان نسخه سنده مشهود نظر ممنویت اولدینی اوزره مجاهدین امتک خلقة بدخواهی ، ملت مظلومه نك باشنه بلا کیلان ظلم مستبدک مداح دثأت اکتاهی اولان دائره صحیه رئیس تادیبیدن نمون اولمقد بر فرد عاقل تصور ایدیه من . وسله تادیبی جلب ایدن « مرتبه ارتداد » عنوانی مقاله زیدانه « ترجان حقیقت » ورقه رزیه سیله انظار عامه به قونلیدینی کون بورده یورکندن قان کیمدک بر مرد حیت پرور قلله مش ایدی ، فقط حقیقت کیفیتن بیخبر بولان غافلین امتیه ایشک رنگ حقیقتینی کونترمک امکناک خارجنده اولدیفندن همت قلمیه کزه انتظار دن باشقه چاره یوقدی . له الحمد یو انتظار ده بوشه جیقمه دی . کرچه مدحک ردائن خلقتی ، دثأت فطرتی ، شناعت وجدانی بیلنلرجه بوسله تادیب آز کوریلور ، چونکه کثات نامیه بوندن تقریباً اون ، اون بش سته اول نشر ایتدیکی هذیننامه تارخیچیک مقدمه سنده جناب حقک دنیای الی کونده یاراندینی حقنده کی آیت جلایه نك تفسیر معانی صره سنده خلقت کثاتناک بازار کوندن بدا ایل جمه کونی نهایت بولش وجمه ایرتسی کونی خاشا شم خاشا جناب حقک استراحت بیورمش اولدینی یازان بو ماموندنر . آیات مقدسه قرآنییه واحادیث شریفه نبویه ایل ثابت اولان امر مشروع مشورنک مضرتندن باحث اوله رق « نروت فون » رساله سیله نشر ایتدیکی مقاله کفر آمیزینی خلقة حقیقت دینییه صورتنده بوتدور ماغه جالیشان بوملموندنر . « ولقد کرنا » آیت کریمه سیله تبجیل بیور یلان بی آدمک — فلاسفه ضاله دن — (دار وین) که هذیانته اتباعاً مایموندن آزمه در دیه رک عالمه قارشی اعلان کفر ایدن بو ملموندنر .

مطبعة عامره مدیریته تعیین اولوندینی زمان مطبعة مذکوره دن بر جوق آلات وادواتی خفیا قرق آنبار مطبعة سته احمد مدحک نقل ایتدیرمسی اوزریشه . معارف نظارتندن مطبعة عامره نك ضایعانه دائر کندیسندن حساب صورلش ایدی . بوکا قارشی : « بی افندرم مطبعة عامره مدیریته آلیق آلق ایچون تعیین ایتدی . بن برکون سیله مطبعة به کیمه دم . ضایعانی بن بیلمم ، افندرم دن صوریکز ا . دیه جواب یازان بوابیس درکه آلان بو تذکره سی معارف نظارتنده موجود در .

آکلاملی درجه دثاتی ایشته اقدیسنه لایق بر بنده بنده سته مناسب بر اقدی ! دها نیجه نیجه فضایع وشنایی معلوم عموم اولان بویادکا رک دیانت ، ملت ، حیت اوغریته ترک دارودیار ایدن ومنسوب اولدینی ملتک حصول سعادت ایچون بیک درلو مهالک ومزاحه قارشی مکبانه ، مقدمانه جالیشان مجاهدین امتی ارتداد ایله تشبیه قالدیشمه سی نیه حل اولوغق اقتضا ایدر . عالم اسلامه قارشی کوسه بریلن بوجسارته دوغریسی حیرت ایتیه مک الدن کله بور . سزه اصل یازمق ایتیه یکم شی بو دکل ایکن غلیبان حسیات ایله بولنریده یازمقدن کندیی آله مدم . مقصدم بر وجه آتیدر : ایجاد ملتته ایلیمه ثانی ، فضاختمه حقیقه بی مدانی اولان مرید معهودک اقدیسی ایچون — مقدمه سی « اس انقلاب » یله باشلایان — یکریمی سته لاک خدمات برکزیده « صدقانه سی حای » ارازل واسافل وعنوان مفخرتی لسان خاص وعامده ملتته متداول ولان شوکت مأب (!) اقدی سنجه رهین محظوظیت فوق العاده اوله رق قیریه سی قلدنی فداکاران وطن علیه استعمال ایچون آلت مامنت اتخاذ ایلیمه سته مکافاه مامون مردودک بو دفعه ده سلم رزالتک صوک قدمه سی اولان رتبه وزارتله تلطبی حقنده اراده اشقی! پروریلری شرف صادر اولمشدر اراده بی تبلیغ ایدن تذکره ماین هایون باش کتابتندن باب عالی به وارد اولور ، فقط کاشکه اولسه یدی ، زیر زواللی مدحت اولونجه به قدر وزارت بوزنی کوره میه جک بر صدمه یه اوغرار ، باقکزنه اولور :

احمد مدحک وزارتتی دیوان داخلیه مستشار دثأت شعاری یعنی عبد العزیز دوری یادکارلندن دولک ابن علقمی سی اولان ندیوف (دمر الله امثالهم) که داماد جائت معنادی احمد رفیق عادات مستحسنة صداقت وعبودیتدن اولدینی اوزره مال بولش مغربی کبی در حال بر صداقت نامه تنظیمیه خاکبای امل بخشای (!) جناب پادشاهی به تقدیم ایدرکه مالی شودر . « احمد مدحت اقدینک مزیت فاضله صداقت وعبودیتی مادام که نزد مالی وفد ملوکانه لرند رهین تقدیر اوله رق رتبه وزارتله تلطبی مقرون مساعده سیه بیورلشدنر . شونتیب عالی به قارشی بیان مطالبه ایتک آداب عبودیتیه موافق دکل ایتیه ده مشار ایلیمه بنده لزینه وزارت بوجیه اولوندینی خالده اقدی نامک پاشایه تحویلله مدحت پاشا دینلمک لازم کله جکته وافکارعمومیه نك شو غایانی زماننده بونامک یادا ولوغه سی ایتیه خائن ولی نعمت اولان (!) افراد امته ماضینک برده خفاده قالان (!)

خاطرانی تجدیدنا یتدیر ، جکته بناء بوجهتک حسب الهدافه عرضه اجستار اولدور :

ظن ایدرسم شیطنتی بکندیگر ، بزبونی دوید یغمز زمان کو لمکدن بایلمه درجه لرته کلدک سز بیلمه م نه حاله کلبر سکر ، بوراسی لازم دکل ، صداقت نامه دست شوکت بیوسته واصل اولونجه — کویا که مدحت شهید کفتندن خون مظلومی آفرق سیف حریتله قار شیننه دیکلمش کبی — اقدمنی (!) دهشتلی تتره مه آلیر . بولک اوزرینه همان باب عالی به تبلیغات لازمه اجراسیله وزارتک اعلان اولغمه مسی امر وفرمان ومصدحت اقدی ده اوچو زلیبر مبلغ وخیلی ضم معاش ایله غریق احسان بیور یلور !

مستشار بک اقدی به من جهة بزده عرض تشکر ایدرز ، چونکه نامقصده برابر بیلیمه رک بر امر خیره دلالت ایتش اولدیلر . مع مافیه مستشار کده شو خد مت صادقانه سی مکافاتنر قلادی ، سینه صداقت دوفیه سی بر قطعه مرصع نشان عالی غنای ایل ترین اولندی که عید فطری متعاقب استانبول غزته لرند کوریلن شو بو بوجیه حکمت صدقک مکافات شاهانه سیدر !

« کیدیوروز »

کیدیوروز ، کیدیوروز !

نره به ؟

برزمانلر . اورتالنی شبه وتردد ، « اولورمی ؟ » « « قابلی ؟ » نیسلی احاطه ایتش نره به کیندیکنر ، بر ظلمت مجهولیت ایچنده سیجیه میور ایدی !

کاه ، کاه قولانغزه ایفاظ صداری کلسه ده ، او ، ریا کورولتورلی او ، ترسخت دماغیه فورطوناری آراسنده نه دیک اولدقلمنی اکلا به میوردق !

فقط شمعی شمعی شمس تابان حقیقت . اوسیلری زائل وبرطرف ایتدی . شمعی ، آرتق هب حس ایدیور ، هب ایشیدیور ، هب آکلیور ، هب سوبیلورزه که — مثبت اولان جنتندن طولایی غیر مسئول اولسی لازم کلن بر یالکنر ر شخصک بشقه برشی ایچون دکل ، محضاجنی بونی ایجاب ایتدیکی ایچون محو آباد ذلت واقتراضه کیدیوروز !

بر واپور تصور ایدیکنر که قبود انقنی هم ده کیسه بی قاریشدر مابق اوزره ، بدلی در عهدده ایتش !

بوکیده کیم وار ؟

یکری میون اہالی!

نہ پاسورل؟

دلی، دجالہ مخصوص بر مہارتلہ جیلرینی انسانی اووالار، آلتایر ہرشیلہ ۰۰۰۰ اماقادیلرہ، قادین خویلو ارککلرہ مخصوص دوز کونہ وارنجہ بہ قدر ہرشیلہ طولدرمش اطرافدن، یقینندہ اولانلر: بوجیلردن، دلیک معلوماتیلہ، برشیلر آشیرورلر، کیکی یاش، کیکی قورویش، کیکی آلتون، کیکی دہ دوزکون!

(بزدہ عسکری رتبہ لرینک ماعداسنی، عموم نشانلری دوزکوندن بشقہ تلقی ایتک، ہینسزک دیک اولدینقہ کورہ دیدیکمز، حقیقتدر خیال دکل! دوام ایدہ لم:)

دلیک، اوتہ سندہ، ایکنجی صفدہ، بوادملاک یقینندہ اولانلر، بونلرک اوجنجی صف، ایکنجی صفک، دردنجی صف، اوجنجی صفدہ کی آدملاک ۰۰۰ الخ جیلرینی قاریشدر برور، بری دیگرندن بہ بوشیلری آشیرورلر، برخرسز لقدر، اورتہ دہ فرماقرما بولونیور ۰۰۰۰

متعدد، ہر طرفہ قول آتش اولان بو صوف اصحابندہ طوغری یوقدر، ہپیلان سویلیور، بونلرک، وحقی جمعیتک ہبری کندی مافوقہ و عمومی دلی بہ، ہر حرکتی، ہر حال ۰۰۰ حتی دلیسک بو جماعتک ۰۰۰ کندیلرینک جانہ قصد اتجی حقندہ مناقانہ تحسین خوان اولیور! نہایت مساوی اخلاقک، خلقت آدمدن بری ارتکاب اولونش ہرجشیدی بورادہ حکم سوربور! ایشہ اودلی ۰۰۰ بوخرسزلق، بوذنات اوجاغی، واپور ماکنہ سنک بتون حبزی، ستون قوتی ایہ صابورمش، انسانی قورقودر، نوکلر وزیردیر برقار ایہ کوتوریور! امان یارب! نہ مدہش منظرہ!

اوکیز ۰۰۰ رقاچ نایہ صکرہ کیمنزک اوستندہ پارچہ لہ جتی اوکیز، ہرردالی، ہرہر حقیقتیسی، بولہ بردکل، بیک کی بارہ لیہ جتی سیوری، کسکین مدہش قیالقلر! واپورمز شمدی جارہ جتی! ۰۰۰ شمدی ہرشی محو اولہ جتی! ۰۰۰

اورادہ ۰۰۰ اوقیققدردہ، او اولومک کومہ، کومہ کزدیکی اورلردہ قائدہ سندس بشقہ برنی دوشونز، قائدہ بہ متعلق لاسدن بشقہ برلسان اکلاض برطاقم دشمنلر مذہ وار، بو، حادثہ قیامت نموندہ قضا، ولیہ جکلرمز، ناموسمزک بو اعدا طرفندن پامال ہانت و تحقیر اولدینقی کورہ جکلر ۰۰۰

بریکلر ۰۰۰ دھا طوغریسی بز، حالا خیالہ طر دیسہ لرلہ بربرمزک جیندن آشیردینمز اوشیلری، بیلم نصل بروحشتہ ۰۰۰ آغز مزک غیطانی بیرتہ حق برجرکینکلہ، المزدن قابیلہ حق دیہ بیلم نصل برتلاشلہ، وحشی، غریب ودانکارانہ برحاوولتو قورقوج، مہوب وسفیلاہہ برایکتی ایہ، جالیدیوز اوشیلرک جیلرمزہ طولدیرہ، مدینمزی بوغازمزہ طیقاپورز! ۰۰۰

معدہ مز، جوق دفعہ، بوسوربتیلری ہضم ایدہ میور، دیشاری بہ آتیور! بونی کوہکارکی برکرہ اولسون قوقلامدن بہ اولاتلاشہ، بہ اوحوالو لری، بہ اویکتی لرایہ تکرار بوسیورز! ۰۰۰

غریبدرکہ بوسرہ دہ، آشیردینی دوز کونیلہ نوالیت ایدیور، بیلم نیچون، بیلم کیہ کوزل کورنکک جالیشور! ۰۰۰

واپور، اسکی ودها دہشتلی برحیلزہ متصل ایلریلیور! ۰۰۰

جہنمہ قدر! ۰۰۰ می دیدکر؟ آہ! اوت بن دہ ایچندہ ولدیقم حالہ جہنمہ قدر! ۰۰۰ قسط ارہ مزدہ اقتدارسز، بنا علیہ کناہمز معصوملردہ وار! ۰۰۰

ای قلیچلریلہ جہانی لرزان ایدن اجداد! احفاد کرک تشکیک ایتدیک بو اکرچ منظرہ بہ عطف نکاہ نفرت و تقرین ایتکک بشمک ایچون — قاش ایسہ — قانی کفتلر کرلہ، مدفون اولدینکر مواقع ہولناک حرب و وغان، ہر برکر کندوقبر جسارت و حماحت کردن دیشاری بہ فیرولا یکنز! اوتہ دہ برقمی، کندو مزخرقاتی بوغتی، بروای ذنات تشکیک ایتک ایچون، بردلیک تجاوزات ناموسشکانہ سی ہضم ایتککہ افتخار ایدیور! بونلرہ باقیمکر! ۰۰۰

بریدہ، ناموسیلری کومہ، کومہ اولمش! کال خوف و خشتلہ ۰۰۰ خبر، کال ذل و مسکتہ یکدیگرینک قولاغشہ برشیلر سویلیور! لطفاً تحمل ایدیکردہ دیکہ بکر:

— دلی ۰۰۰ اوت، بوکون برندن بہی اولدیرہ جیک، دیہ شہلور، بونک ایچون الہ برختنجر، برطابنجہ، رفتک، برطوب، برارد و تسلیم ایدیور! ۰۰۰

ایشانز میسر؟ ۰۰۰ ایشہ کاظم پاشا! ۰۰۰ دیکری ایتیتی قزائش، کندینہ دامان! قورونکر! دیکری ایچون — آہ! بی اولدیرہ جیک! — دیہ اونی کزلیجہ تسمیمہ جالیشور! ایشہ کوچک سید پاشا! ۰۰۰

متوحش، متوہم! کندی جانی قورتارمق دلیککہ بتون عالی اولدورمک ایتبور! ذہنی، فکری ہیپ بوکاحصر آتش، کندی سلامتی ایچون جالیشانلری دہ بوغدیور! ایشہ کنج عثمانیلر! ۰۰۰ بونی آزکوریور ۰۰۰ بتون عالم جابک اولیور، جابک یتیمور! دلیکی ایچندن ابلیس پسندانہ برطاقم دیسہ لر جیقازیور، بونلرہ، اطرافندہ اولانلری بربریتہ بوغدیور! ایتتہ ارمی وکر، حتی کرید حادثائی! ۰۰۰

سفینہ دولتی اقراض اوجور و منہ سوق ایدیور! ایلری بہ باقیور! ۰۰۰ خیر باقیور، فقط — بتون عالی محو ایتک جتی، کندینسک دہ بوواپوردہ بولندینقی کندینہ اوتدیریور! ۰۰۰

— دلی ۰۰۰ دلی ۰۰۰! محقق دلی! طبعی بولہ یائزسہ غریب! ۰۰۰

— بکی، اودلی، بزدہ اولیور! بردلیکک بیلم ناصل بردلیکی ایچون، بتون بوات محومی اولسون!

ای عزم برور اجداد! برطاقلری جاعتلر تشکیک ایدیور، کندیلرینی بحرینی بیان، مشکوکیک و ہلاکہ آتیور! بونلر کریدیلرلہ ارمیلردہ! ۰۰۰

برقمی، ابجر دہشت ایچندہ بوزہرک ساحلہ جیقمش! برطرفدن یانی بشارتندہ کی اعدایہ: — آمان! دلی بی طوتکر! — دیہ مایوسانہ یلواربور، دیکر طرفدن بزدہ، سارینک یتدیک قدر باغیرہرق، آغلاہہرق: — دلی بی منہ ایدکر! — دہور! ۰۰۰۰

ہیہات! اورتہ دہ حکمفرما اولان جسزک نہایت سزی، محو ایدہ جک! ۰۰۰۰

ارباب ناموسک کیدہ قالاتلردن بعضیسی:

— آہ! نہ یابہ لم؟ دلی بہ طوقتمہ دہ کز! اطرافندہ سلاحیلری وار! دیہ مسکتنی کوستریور.

— آہ! ابایشک حقندن کلہ مزسہ ک! دیور.

بیوجک طانیلان بریشقہ لری ایسہ، مسکت ایچندہ جلادت! ابرازینہ باتہرک:

— قورقیکز! اقاییق کافہ مزنی پارچہاز! اورادہ کی اعدامزدہ، تجاوز حریصاہ، بربریتہ مانع اولور! ۰۰۰ دیتکہ برایش یایدم، ظنتندہ بولیور! ۰۰۰

ای روح نی! اشکل شریف معزوفکہ بورزون! یک دینلمش اولان شوچمانہ باق! برزمانلر بوقدر عزیز اولان بوانک! ایچون آغلامقہ باشہ! ۰۰۰ آغلہ، آغلہ! او مبارک دموعکک، او شریف و منور صفاککک اوستندن جریانہ مساعده ایت! ۰۰۰ او مبارک

کوزیشلری اراسندن، استک شوحالی سیرایت ۱
سز، ای ارواح طیه! سزده روح نبی به پیرو
ولکر!...

امان الله! واپور ساحله چاریدی! برولوله
ایقامتموند، قویدی! ازیلانک، یاره لاناک، چیکمنش
اولانلرک، اولنلرک حد و حسابی یوق! آدم آدمی،
قارداش قارداشی، زوج زوج، سنی والده جکریاره
لرینی چیکنیور، ازپور!... بر دلی ایله اطرافده
کی حسس الحیاقلرک تیه ایندیکی او خیانت او جاغنی،
اودنانت یاقیننی، او اولوم وولقانی... بوناموسلی
معصوملرده تلاشدن، دهشتدن متحصّل بوهدیله
آرندیور! آرتق غیرت، حیت، ناموس، غیرتمزلک
حیتتمزلک، ناموسسزلیق هب بربرینه قاریشمش،
بربرندن قریق اولنیور!... بو قدر لوده یتیمور.
اطرافدن ملت امت، دین دشمنلری اوشوشدیله.
بزم کوزمزم اوکنده مخدرات اسلامی به...
کوزلمزدن قصاصدیقمز کندی زوجله رمزه، اللری
اوقشامغه قیه مدیقمز معزز قیزلرمزه، یوزلرینه دیک
باقه مدیقمز آق صاحبی والدهلرمزه هجوم ایدیورلر!...
اولنلرک ناموسی... بزم ناموسمز... سنک، ای روح
کائنات، سنک، برزمانلر بوقدر سودیک استک
ناموسی، بواعداک مجاوزات شیعیه سی اره سنده
یوارلیور، آتالر آلتده پامال اولیور!... قادیلرمز:
— آه! قوجم!... قیزلرمز: — آه! بابام!...
آلارمز: — آه! اولادم!... چوقچلرمز: —
لنت! دیه فریاد ایدیور!...

نسبه بختیار یالکزر بر آدم کورپورم:
بو آدم، بونانلرک تا ابتدا سنده، وطنک سلامتی
ایچون بر خیلی اوغراشمش اولدینی خالده ملته،
خصوصاً اتمده کوردیکی حسزلک اوزرینه:
— جهه کری کورمه مک. سکزی ایشتمه
مک ایچون ناز بونیه قدر قاجورم دیش ایدی.

ناموسلی وطنداش! بوزمانی می بکلیور سک...؟

تراد

حوادث

== استانبولدن یازیلیورکه:

کچن چهارشنبه کونی اجتماع ایدن هیئت
وکلاهم نصله اعلان حرب ایتمک قرار ویرلر.
ومقرراتی شوکت عثمانیه بی محافظه وکفت کوی اهالی
بی قطع (؟) ایتمک اسبابنه استناد ایتدیله رک ذات شاهانه

به تقدیم ایدرل! فقط مظهر تصویب اوله میهرق عارف
بک واسطه سیله کندیلرینه سلام بدایم بلیغ ایدلرکدن
صوکره بعض مخاذیر درمیان اولنور! ومذاکره
انساننده طوبخانه مشیری ذکی یاشابراز متاد دن زیاده
لافزلک ایدوب حرب جهتی التزام ایایسه رک قریحه
الهام صیحه به حواله امور ایلمدیکندن (۱) عارف
بک مجلسه کیرنجی آکمتوجها اداره کلام ایلیمک باشلار.
بونک اوزرینه ذکی «امان بک اندی، نه دن بکاتوجیه
خماطب اولیور...» دیر. عارف ده «اراده سینه هیئت
عمومی به عائد ایه ده شوکت ماب ذات دولتری
بویابده دیکرلرندن حیثی کوردکارندن سزه متوجها
تبلیغ فرمانی امرایتدیلر، دیه مقابله ایدر. ذکی نک
انتکری طوتوشور. و «آرای خفیه به مراجعت
اولنورسه مجلسزده بنده کردن زیاده ابراز حیت
ایده جکلر واردر، دیه جواب ویرر! ویرشیه قرار
ویرلمکسزین مجلس داغیلر. (حریف حیت قورشون
صیقور!)

یئنجینه کونی سرعسکر مابینه کیده رک عارفه
(افندمننده کزی مأموریندن عفو بیورسون)
درسهده قبول اولنماز، نهایت جمه کونی سلاملقدن
صوکره تکرار کیدرک «باش قوماندان ادهم باشان دن
تلاغر اف آلیور. یونان متادیا هجوم ایدیورمش،
عسکره مأموسیت کلکه باشلامش، بوندن صرف نظر
استانبول خاقی مسئله دن خبر دار اولمش، بی کورونجه
طوموز کبی (؟) باقیورلر. بناء علیه مأموریتدن عقوم
ویا اعلان حرب لازمدر، دیه بیلر. اراده جیقار،
مجلس وکلا تجمع ایدر، شیخ الاسلامه، محمود یعنی
مستعملیندن ماعداسی حرب به قرار ویرلر. عرض
اولنور، اراده صدورایدر. وجهه ایرتسی کونی
آلیدن صوکره خارجیه ناظرلی اعلان حربی سفرايه
تبلیغ ایلر، بازار کونیده اهالی به اعلا ایدیور. ایشتمه
سرای شوکت مآبد کچن سکینه (ملودورام) کخفایابی
که عبرت آله حق نقطه لری نه قدر چوقدر.

== قدجه عکا منافسندن تخلیص کریان ایدرک
پارسه غریمت ایش اولان مقام سرعسکری سرباوری
فداکاران امتدن میرالای شفیق بک بیلدیزه دخالت
ایتدیکی بعض بدخواهان طرفدن اشاعه ایدلش ایه
ده بونک قطعاً بی اساس اولدینی اعلان ایدر وشفیق
بکی طایانلرجه یو تکذیب به احتیاج اولدینی علاوه
بیان ایلر.

== مصرده جمع ایدلمکده اولان اعانه عسکره قریباً
قرق بش بیک لیرایه بالغ اولمشدر.

== شاملی عننک نظر شاهانه دن سقوط ایدرک اوانده

محسوس اولدینی بوراده شایع اولان حوادثندیر
== اخیراً مشیر فؤاد باحضر تلریله دیکراوج
مخدومنک استغفار لری ویردکری خبر آلمشدر.

مخدوملرندن بری عدلیه منسوبتندن اولوب دیکر
لرندن بری سوای بیکیاشیسی و دیکری ملازمدر.
سلطان حمید وقعه دن خبر دار اولنجه شتی راغب ایله
صانصار محمود قوللرینی برای رجا کوندن مش ایهده
فؤاد پاشا ذات حضرتک جنبشکارانه حرکتیه وطنک
انقراشته قارشو بویه قالمیه جفی قطعاً بیلدیرمش.
اومارزکه بوردس ناموس وحیت سائوروزرای فحاحم
ومشیران عظام حضرانته ده مثال اولور

— سواری حیوانلری اشتراعی ایچون مجاری
بر متعهدک تکالیف مقبوله سی نظر اعتباره آلمیه
رق روسیه لی بر متعهدک اغیر تکلیفاتی باراراده.
ترجیح اید لمشدر. سرعسکرک اصرار ایده
موجب تکدیر اولمشدر.

— باب عالی مخبرمز یازیورکه: اسماعیل کال بک
ترتیب ایتدیکی لایحه بی اولاکو توروب عزته ویرر
پادشاهه تقدیم ایتسنی سویلر. برمدت صوکره
عزت حضوردن کله رک افندمز بوتریه سزلیکی
کندیسنه کیم تعلیم ایتدی، یورپورلر دینجه
مشارالیه ده «بن تریه سزلیک تریه سزلیکرینه
نهایت ویرمک ایچون بونی یازدم. بویه سویلکزر.
نه اراده یوره جکلر، جوابی ویرر. و کیتسون،
جوابی کلیر

— فتوالمینی چاغریلر محاربه حقنده مطالعاتی سؤال
اولنور. مشارالیه ده محاربه نک فرض اولدینی
سویلر. بونک اوزرینه حمید حدت ایدرک سنک ده
عقلک ارمیور دیه رک بول ویریلر. فرادسی کونی
بریاورله یتیمه سرایه چاغریلر نجه و اللهم پیغمبرک
امرینی دیکله میانک اراده سنی دیکله هم، دیه رک
کیتمز.

تلفرافنامه لر

آته ۲۰ ینسان — محاربات دون مجده ایتمشدر.
(مالونا) کچیدنک طرفینده کی تیه لرده روملر
ترکلرک یشدار لرینی دوردر مشلدر. (طرنوه) نک